

LA CHARTO EN CAMIN

Lou debat à l'Assemblado Naciounalo vai belèu mena à la ratificacioun de la Charto éuropenco...



Prouvènço d'aro

Tóuti li mes, lou journau de la Prouvènço d'aro

Febríe 2014

n° 296

2,10 €

Municipalo 2014

Eleitouralo o pas eleitouralo?

Li gendarmo e li juge de pas discutisson la questioun e, à ço que parèis, soun pas d'acord. En tout cas, es uno aficho pausado à l'epoco e à l'ócasioun dis eleicioun municipalo, pèr lou Group marsihés d'Occitania. Es en l'apegant à Pourriero que Pau Ricard e Jòrdi Reboul se soun fa apegat un proucès-verbau pèr un gendarmo mai zela qu'esperitous. N'en veici lou tèste:

REPUBLICO FRANCESO
TERRAIRE DE PROUVÈNÇO
ELEICIEN MUNICIPALO DE 1935

Prouvençau!

Anas elegi leis Amenistratour de vouesto Coumuno, de vouésti Bèn, de voueste ounour de Prouvençau...

Dins voueste interès, demandas à vouésti Candidat d'èstre dóu Païs, de l'eima, de counèisse soun istòri clafido de glòri, de saupre parla coumo vautre, dins vouesto proumièro lengo, pèr miés vous coumprendre.

Puei, s'un còup tendran lou Counsèu, digas-li de s'uni, de si federa emé lei patrioto dei Coumuno vesino pèr si dreissa contro la Centralisacien que suço lou bèl argènt de vouesto susour, contro la Centralisacien que ramplisse lei biasso de sei calignaire au mesprés de voueste sang...

Prouvençau!

Emai assajon de vous embastardi de l'Escolo à la Caserno emé soun catechisme franchimand, emai vous fagon renga vouesto maire...

Sias un pople, - emé sa coundicien geougrafico, sei besoun ecounoumiqu e souciau bèn particulié, dins la vido mouderno e naturalo dei patriò franceso e la farandoulo dei Nacien pèr la pas internacionalo...

Prouvençau!

Qu'avès encaro garda, emé la fouarço que vous vèn de vouésteis Encian, lou goust de la Justici e de la Liberta, moustras-lou en demandant à vouéstei Municipi d'èstre digne de vous e de vouesto raço, es-à-dire d'èstre

Prouvençau avans tout.

Lou grand eisamen



Lou voucabulàri de la massounarié


Lou voucabulàri dins la massounarié
Pèire Pessemesse

Em' aquelo publicacioun, lou C.I.E.L. d'Oc, lou Cèntre Internaciounau de Lengo d'Oc, expandis vuei, lou segound voulume de sa couleicioun Voucablè Mistralen, en paralèle emé sa couleicioun "La gramatico plan-planet" que beilejo noste Counsèu pèr la lengo d'oc en Prouvènço.

Se trobo dins aquéu librihoun lou tresor di mot tira dóu lengage de la massounarié.

L'autour, Pèire Pessemesse, qu'a escri mant un rouman en lengo nostro, es tambèn passiouna de recerco leissicalo, toujour pèr pinta just e just la vido vidanto dins sis obro literàri.

Sènso relàmbi, cerco, legis, castigo... Aqueste cop a pres la tiblo e nous a basti un precieus diciounariot de la massounarié.



Se pòu pensa que dins uno de si nombrós si vido passado, fuguè mèstre massoun... Que counèiguèsse proun lou mestié, es segur, e pamens ié fauguè bèn ana pesca tout lou voucabulàri mouderno dins de tèste d'autour countempouran, sènso abandouna li vièi mot counsacra pèr l'usage despièi l'epoco troubadouresco.

D'acord emé l'autour, s'es decida de baia lou mot dins li dos normo grafico, mistralenco e alibertino, pèr leissa au legèire sa chausido.

T. D.

Lou voucabulàri de la massounarié, de Pèire Pessemesse. Fourmat 12x18, 110 pajo. De coumanda is Ed. CIEL d'oc, 18 Rue de Beyrouth - 13009 Marsiho. 5 eurò + 1,50 eurò pèr lou port.

Micoulau Saboly fai just 400 an

Toujour gaiard noste cansounaire prouvençau après si 400 novè.

Pajo 12

Li deputa fàci i lengo regionalo

La Republico poudra belèu ratifica la Charto éuropenco di lengo regionalo.

Pajo 2

Clemènt V, Papo d'Avignoun

Es l'anniversàri de la despartido e la fin de soun pountificat, 1314.

Pajo 3